

古今圖書集成

方輿彙編 職方典

中華書局
已蜀書社

方輿彙編 職方典

古今圖書集成

中華書局 已酉書社

欽定古今圖書集成方輿彙編職方典

第九百四十六卷目錄

杭州府部彙考十二

杭州府風俗考

職方典第九百四十六卷

杭州府部彙考十二

杭州府風俗考

本府

通志府志合載

隋書餘杭川澤沃衍有陸海之饒珍異所聚故商賈並臻其人君子尚禮庸庶敦龐

宋歐陽修有美堂記錢塘習俗工巧邑屋華麗蓋十餘萬家環以湖山左右映帶

范仲淹傳吳中喜競渡日出宴湖上自春至夏居民空巷出游

蘇軾上執政書三吳風俗自古浮薄而錢塘為甚雖室宇華好被服榮然而家無宿春之儲者蓋十室而九

秦觀雪齋記其俗工巧差質樸而尚靡麗且事佛為最動

蔡襄雙門記市賈漫欺取予不均富貴倚強使貧賤利盜挾閉藏出沒無常俗尚浮屠布施無節

趙與憲建學記家文雅而人英茂

葛澧錢塘賦俗享再稔之利婦童八育之綿家

善為膝之器戶衍渠渠之精

明徐一夔告鄉賢文茲邦以德行文學風節事功顯者代不乏人

朱廷佐武林舊事敘制度禮文彷彿東京之盛舊志杭雖華麗富美之區獨仕者咸以清慎相飭勵多無田園宅第雖樞宰保衡無不然也

田汝成西湖志杭州士大夫居鄉者往往以名節自勵

府志月令元旦日先一日灑掃庭內雞初鳴羅列花綵糖果等物於各神家廟影堂前以米團

糖豈祀電名曰接龍祀畢以米團餉來謂之歡喜團次迎歲神次拜各神暨祖先前備燃香燭

三日夕惟影堂則兼供茶飯至燈後始罷大家衆聚立中堂卑幼拜賀尊長禮畢男子出拜宗

黨親友謂之賀節家設酒散延客酒三五行即辭出亦有盡醉而歸者按縣志是日中堂架松

柴于爐中繼以栗炭各置柏枝二大束于神前晨興則以六月六日所取馬齒煎蒸熱食之其

次序則自最幼至最老蓋亦古人飲屠蘇酒之遺意也武林志餘曰正月朔日官府望闕遙賀

畢即盛服詣衙門往來交慶民間則設奠於祠堂次拜家長為椒柏之酒以待親戚鄉里以春

餅為上供蒸栗炭堂中謂之旺相貼青龍於左壁謂之行春插芝麻梗於簷頭謂之節節高籤

柏枝于柿餅大桶承之謂之百事大吉自此少年游冶徵逐凡投瓊買快關九翻牌舞棍踢毬

唱說平話演習歌吹無論晝夜謂之放魂至十八日落燈然後學子攻書工人返肆農商各執

其業謂之收魂格宗孟元日詩高天旭日照亭衢伐鼓鳴鑼曳翠福金貼宜春贊錦字花鋪甃

壘古桃符照雲雲物占三瑞化國笙歌洽四隅惟有武林行樂早展端人已醉西湖元旦後士

民各攜酒饌紙錢出郭展墓

初三日謂之小年朝仍燒松棚於圍爐中自元旦至三日皆用赤豈飯并以供神謂之隔年飯

云

立春前一日官府迎春于郭內之東方前陳鼓吹綵亭故事以導芒神土牛老幼填集街路謂

之看春其所歷人家各設香燭楮幣并用五穀拋擲之是日焚松柴并蒸炭烹日西湖志餘曰

立春之儀附郭南縣輪年運辦仁和縣於仙林寺錢塘縣於靈芝寺前期十日縣官督委坊甲

整辦什物選集優人婦女裝扮社夥如昭君出塞學士登瀛州張仙送子西施採蓮諸類種種

變態競巧爭華先時教演名曰演春至日郡守率僚屬往迎小隊社夥殿以春牛士女縱觀闌

塞街市高聲致語贊揚名曰獻利市至府署官宴畢鞭土牛碎之隨以綵仗土牛分送上官先

達而民間婦女各以春幡春勝鑽金鑽絲為紫燕黃蝶之屬同遺親族綴于銀頭舉酒則鐺切

粉皮雜以七種生菜供奉賓筵稱宗孟迎春詩冰雪初乾錦句開南枝香吐半黃梅龍飛大嶺

方輿彙編職方典第九百四十六卷杭州府部

朝烟洞鴻戲清江淑氣回鼓更送寒鳴絲仗農
官祈歲獻山孟康衢車馬紛千騎盡道春從太
守來

初六日南山法相寺古定光佛誕日士民爭往
禱之有摩佛頂至願謂可以得子者

人日七爲人八爲穀古人正旦書鷄子門人日
貼人於帳元日書鷄謹始也人日貼人重人也
餐七種菜羹剪絲鑲金爲人貼于屏風杭俗今
無是舉惟學士之家詩箋投贈或云漢帝承華

之會或云宋玉望仙之登往往以此爲題嵇宗
孟詩人日郊晴燕喜天草芽青出岸容鮮春波
飲馬雲橫渡午港觀魚風滿船北海樽開殘雪

後西冷曲度未花前一從改歲韶華轉水色山
光異去年

元宵前後五夜張燈初旬自衆安橋至官巷口
懸賣各色花燈謂之燈市通衢巷巷懸額綴絲
皆以錦綵繡爲之知入萬花谷中終夕鼓吹
不絕士女駢集至有拾翠遺簪者家家開宴裝
放烟火以娛賓客婆娑子弟亦多製兩黃合爲
花筒相對角勝負名曰養花或粘燈謎于上謂之
猜燈射中者揭而持去贈以巾帕花爆果核杖
頭錢等開然一笑此鮑照詩謎之遺也近淺衰
矣相傳初三夜錢王納土後乃添兩夜俗以
五夜晴明爲五穀豐登之兆驗之信然鄉村婦
女於十五夜名廟姑站以下一歲吉凶并畱田豐
歉按廟姑萊陽人姓何名媚字麗卿壽陽李景
納爲妾其妻妬之正月十五夜陰殺之廟中天

帝憫之命爲廟神故世人作其形夜以廟迎迎
祀以占衆事俗呼爲三姑而又有描姑竹姑輩
姑鍼姑之類漢家祀太乙以昏時祠到明個人
正月望日夜遊是其遺事是日傳爲上元誕日
天官賜福之辰民間多齋素誦經匍匐至吳山
禮拜者幾擁塞不得行杭州元宵之盛自唐已
然白樂天詩歲暮人心樂朝遊復暮遊春風來
海上明日在江頭燈火家家市笙歌處處樓無
妨思帝里不合厭杭州

二月初一日自唐李泌奏停正月晦日以初
爲中和節俗有挑菜之會今民間於初二日或
戴蓬草和米粉煎爲餅以應節物

洛陽記以初二日爲花朝唐人以十五日爲花
朝西溪一帶梅花甚盛沿五十餘里清芬襲人
中多別業往往高入遠士托足其間或行與小
艇載酒散播樓被有旬日始歸者

十九日上天竺大士誕辰三吳士女買舟進香
不可億計越州歲進巨燭其大如椽鼓吹導送
旛蓋絡繹由北新關至松木塢舟車銜接昭慶
以至天竺擺列器皿玩好等物俱成市肆數十
里不絕一月有餘窮民賴以爲生自此以往士
女爭先出郊謂之探春舊舫輕舟櫓比鱗集笙
歌簫鼓之聲震動遠近其遊之次第先南屏放
生池湖心亭岳王墳盧舍庵後入西泠橋放鶴
亭日衙半規始漸散去絳紗籠燭車馬爭門而
入日以爲常比來阜亭山劉墳村每當春日桃
花盛放一望如雲錦遊人多問津焉是月村墟

里落各釐金爲社會祀五穀神祠奏樂散歌散
則飲福少長咸集極歡而罷昔張演詩云桑柘
影斜春社散家家扶得醉人歸

續溪志云三月十三日官民皆禊飲于東流水上
洗祓垢謂之祓禊唐人已曲江傾都禊飲
今初三日爲祓禊觀真武帝君誕辰是日有緣
竿之戲竿高數十尺徒手直上據竿頂左右盤
旋以順貼竿四體投空忽自擲下捷若猿猴陸
陸上已詩三月桃源路東風滿鵲橋晴烟迷曉

樹飛絮亂明湖翠鳥啼春書青山入畫圖樓多
秦氏女壘是霍家奴馬射鋪金野花茵坐玉帝
簪頭鑲琥珀鞭子勒珊瑚瀟瀟名厄酒菜莢美
錦繡正平方擊鼓彥道共呼盧風管催花落龍
舟送日曠更憐多彩筆還嘆得驪珠將謂開三

徑班生賦兩都樽前草鷺鷥座上薦屠蘇鄴下
多名士高陽是酒徒聊傾從事醪不用步兵廚
弱體難投筆雄心可棄繻何年傾翠蓋重與泛
菰蘆

清明前三日爲寒食節人家皆掃簷柳雖曲坊
小巷亦青青可愛往時多取之湖堤曾記昔人
詩云莫把青青都折盡明朝更有出城人南北
兩山墓祭者尤多提攜男女酒壺散置村店山
家分飯遊息至暮則花鼓土宜捆載而歸尼庵
道院尋芳討勝各有買賣趕趁等人盡無日不
在春風歌舞中也
立夏有新茶新筍朱櫻青梅等物雜以枝圓聚
核諸菓鏤刻花草人物極其工巧各家傳送兩

之立夏茶民間所食臘肉火酒海蟾蜍餅之屬
三月廿八日東嶽帝君誕辰從定光橋進路者
爲古東嶽廟從古蕩進路者亦爲東嶽廟是日
百戲競集觀者如堵所爲雜劇清樂要詞小說
蹴鞠拳棒之屬令遊人應接不暇焉

四月八日爲佛誕辰諸寺院各有浴佛會僧尼
競以水盆貯銅象澆以糖水雜以花果是日西
湖作放生會小舟鱗次多買龜魚螺蚌放之
五月端午門貼五色花紙堂設天師像梁懸符
篆競以角黍五綵絲相饋遺家種葵花一本旁
植艾葉菖蒲飲雄黃酒祀神享先畢各至河干
湖上以觀競渡龍舟多至數十艘岸上人如蟻
書船非貴遊不得覓一漁艇系錢盈千叙頭符
勝備極工巧橫繡仙佛禽鳥蟲魚猛獸之形繡
紗蜘蛛絲綴藤鳳蘭虎絨蛇難以名述近日半
山龍舟爭盛諸壩各埠俱于朔日奔赴遊人難
還不減湖中

五月十三日爲漢壽亭侯誕辰十七日爲郡城
陸誕辰家祀戶講各里有會首董其事酬神飲
酒梨園子弟爲之一空

六月六日宋真宗以天書再降遂爲天貺節是
日多曬經史字畫衣服裘襪之類家洗六畜是
日街市施茶至七月止三伏則有施香齋飲者
自此以後人多出城納涼北自斷橋以西至冷
南到學士港以至王墳荷花盛開輕盈出水時
取荷葉注酒飲其心曲其柄屈盤輪困如象鼻
然瞻而飲之放舟蒲深柳密處披蓍釣水月上

始遷

立秋之日男女咸戴楸葉以應時序或以石楠
紅葉剪刻花瓣插鬢邊或以秋水吞赤小豆七
粒

七月節物多尚瓜花菱藕桃李蓮房之屬初七
日夕女子對月穿鍼餽餽盆盃盤飲酒爲樂謂之
乞巧以小蜘蛛貯盆內大早觀其結網疏密以
爲得巧之多少按桂陽武丁有仙道謂其弟曰
七月七日織女當渡河諸仙悉還宮蓋暫詣牽
牛世人謂織女嫁牽牛也淮南子七月七日織
女赴牽牛鳥鵲填河成道而渡市中以土木雕
塑孩兒衣以綵服而賣之號爲摩鵲羅
是月十五日係白帝乘時地官按籍各寺院作
盂蘭盆會延請衆僧施食鐘鼓笙磬之聲相聞
是日茹素者十居八九屠門罷市親戚有喪者
各以酒漿楮金楮錢相饋夜則施食點放荷燈
以資冥福云

八月十五日爲中秋節貴冑富室綵綵華席銀
燭金樽笙歌繚繞蘭麝氣氤氳民間以月餅相饋
遺或樓臺玩月市里嬉遊有連袂至旦者焉
浙江之潮爲天下鉅觀既望至十八日爲最盛
始若銀城終如雪嶺千軍萬騎擁擁而來不可
卒遏吳兒有善泅者持大旗爭先鼓勇迎潮而
上出沒于桴波巨浪中騰身百變而旗尾略不
當雷聲富貴樓以望爭賞銀綵無算
重九各以粉麵蒸糕相貽上插茱萸五色小旗
棗餠菓實栗屑蓮藕瓜仁松子之屬或佩茱萸

賽飲菊花酒登高覽勝賦詩作序

往例霜降前一日帥府迎旗將左右前中衛所
各營兵編爲隊伍次第相承戈鋌矛戟弓矢劍
盾旗牌狼筈鳥銃大炮之類揚於道上以肅軍
威有應騎數十飛轡往來逞弄解數騰躍上下
不離鞍轡之間猶猿猴之寄木也次日五鼓於
旗廳廟祭旗炮聲振地動搖山岳

十月初一日有司先期啓請國老庶老高年有
德者于是日舉行鄉飲酒禮又奉郡城隍於武
林郭外社稷壇祭無祀鬼神人多盛服持旛蓋
纓絡香花班迎道上肅隊而行或充執事與衛
務極一時之盛是月初旬民咸出城肆墓不異
寒食以餒餘遊南山看紅葉昔人云霜葉紅於
二月花自樵蘇者斧斤日尋其上山無草木猶
之春無烟霞矣

立冬日各以菊花金銀花煎湯澡浴謂之掃疥
曝茶菊以爲茗飲之需
冬至日謂之亞歲各以牲菓祀神享先煮赤豆
飯蒸新米糕蒸栗炭于園爐各街署懸綠黎明
拜表後交相致賀按南宋建都時最重一陽並
如元正三日之內店肆皆罷市垂簾飲博謂之
做節車馬皆華整鮮好婦女小兒形色華炫往
來如雲春桑糕以祀先婦女獻鞋襪于尊長亦
古人履長之義也
臘八以臘月八日名也是日以諸般米菜羹粥
相饋謂辟邪祛寒却疾消毒名臘八粥
臘月二十四日謂之交年民間祀竈其祭物與

六月同并祀土地亦歲終報享之意祀龍數日
前丐者貌龍公龍母裝鍾爐仗劍作擒鬼狀鳴
鑼跳躍求乞財物蓋亦古逐疫之意自此饋歲
盤盒酒樽羊腔充斥道路僧道作交年疏仙木
湯以送禮越縣家亦饋屠蘇袋同心結及諸品
香燭于常所往來者其改歲品物牲酒神馬香
燭花葉爆竹之類貧富各經營預辦而街坊鼓
吹之聲鏗鉤相和具羊豕酒果或三牲報祀城
隍百神懸祖先遺像朝夕奉祀以申哀慕桃
符門神春帖并粘鍾爐合家歡樂圖于門戶房
壁間若列肆兼貼青龍利市富家則張野陳鼓
男女各新製衣服珠翠以相炫耀焉

除夕炳燭炷香于各神前焚楮幣以送舊祀門
祀祖先畢架松柴于門外焚之高與簫齊火光
燭天名曰松棚已而張燈燦燦男女同堂少長
合坐謂之分歲古有達曙之飲謂之守歲今止
夜分而罷是夜路無行人鉦鼓爆竹之音喧
震動不絕

錢塘縣志 俗
張翥傳郡中爭厲志節習經者以千數道路但
聞頌聲

左思吳郡賦士有陷堅之銳俗有節概之風
仁和縣志
宋地理志其人性敏柔而慈尚淳樸氏之敦厚
于滋味急于進取善于爲賈
歐陽修有美堂記習俗工巧邑屋華麗蓋十餘
萬家表忠觀記吳越地方千里帶甲百萬鎮山

煮海犀牙珠玉之富甲於天下然終不失臣節
貢獻相望於道民老死不識兵革四時嬉遊歌
舞至今不衰
成化志士志詩書敦孝悌而恥浮名仕者貴清
慎而賤矯激鄉民服勤所業而事居積就實還
淳雅非舊俗矣

仁邑近時士大夫多廉靜自愛謙恭接物無利
己以害民自高以卑人故侵漁兼井之患未嘗
有之亦無車輿僕從炫耀道上令人不可嚮邇
者間或蹈此即清議隨其後矣此士大夫最爲
近古而非他郡旁邑之所及也

近日縉紳先生尤能以古道自處雖離蔬糲
而論交不忘貧賤甚至傾身延攬折節下士孜孜汲引不令人知至事關地方利害之大者或
昌言議論或潛移默化人蒙其庇而莫知其所以然者斯又功德之最也

往年營兵恣橫擄奪及于販鹽樵採入乎深山
窮民困苦無所控告近荷各憲嚴加禁戢其風
頓止民間日中爲市交易而退各得其所歲時
伏臘猶得烹羔勞酒以相往還桑麻無恙羈犬
依然予雖不敏奉行德意未敢忘也

用兵之地俘掠子女王謝子弟尹姑大家亦不
得免焉間或尋蹤而至訪知某營而財竭力痛
惟有望營門而飲泣耳此間善士輸財効力使
得子負其母夫率其妻生出營門車相保抱至
於嚴寒積雪短布單衣不能至解者製靴絮襦
襪以全活之嬰兒棄於道路者建屋擇人以收

卹之死無以爲葬者給棺以斂之更爲置監田
設監粥以待繫囚之餓者吉人爲善惟日不足
殆謂是歟

仁邑士子循循有禮粥粥無能人於各節家飭
廉隅鍵戶下帷惟知讀書稽古此皆昔人詩書
之澤賢父兄教誨不倦之力也若夫抗糧武斷
則亦此邑之所絕無而僅有者焉

縣縉紳以至孝廉縣孝廉以至於士轉相屬也
以至齊民皆各有等固不可以貴凌賤大加小
往時矯枉過正違道干譽而奸民里猾動相挾
持使紳士側足禁聲畏罪不暇及致賤凌貴小
加大此風又焉可長歟

婚喪非禮也而未成服之三日成婚尤非夫未
成服者孝子不忍死其親且時促不暇成服非
謂成服而後爲喪三日之內尚可即吉也今律
但禁服中之婚者謂死後服先必無婚理故不
云爾豈許之乎

杭俗多從苟簡習而行之悖理甚矣邇來遵奉
上諭十六條每月朔有司各朝服集士民於明倫堂
開講從此比戶咸知孝悌守禮畏法其風遂息
記曰喪禮與其禮有餘而哀不足毋寧禮不足
而哀有餘也人子不幸而當大故擗踊號哭思
慕悲哀而已舉殯之晨往而不返者親也而乃
陳設于庭驢驘雜坐不知有子卯在堂者微座
日自今朝夕不復設奠矣凡筵杯棖無有存者
其爲痛心更倍而亦復舞伎入奏滿堂笑樂亦
獨何歟悖理傷道莫此爲甚惟讀書守禮者挽

此類波瀾

觀既醉之詩云朋友攸攝攝以威儀言其相莊以道相輔以仁也若夫諱謔笑傲拳勇相加則是燕朋逆其師燕僻解其學君子議之矣又書曰無偏無黨王道蕩蕩近聞社事復與片言不合致分門戶一事相乖遂成水火恐甘陵南北部由此而開俱捐細過借之大道重有望焉詩言志歌末言凡詩之作皆忠臣孝子勞人思婦之所爲也近日詞學大興率皆妖麗之什靡曼之音以衣冠丈夫而效巾幗之飾以鬚眉男子而修粉黛之容桑間濮上比于慢矣至淫詞麗曲繪像成書以蕩人心而戕人性尤罪之大者凡百君子慎而戒之

杭民牛多商賈耳目侈聲色之好口腹恣獨衆之味峻宇雕牆履絲曳綈冠婚喪祭宴飲酬酢無不踵事增華雖素封之家不出數年立見蕭索總由屋多田少根本不固所致也若末作之人負販之流百結藍縷餐殍不繼者何可勝數庶而加富爲民牧者所當熟籌也

海寧縣志

周禮職方東南曰揚州其民一男五女其數宜稻

漢書漢興高祖王兄子濞于吳招致天下之喜遊子弟枚乘鄒陽嚴夫子之徒與于文辭之際而吳有嚴助朱買臣貴顯文辭並發故世傳吳俗巧而少信

餘杭縣志

明沈應學記餘杭絃誦首善距今二百年餘文風益振人才益盛豈非山川秀氣之所鍾耶王琪學記荅固村數鄒文敏康靖而後蟬聯簪組代不乏人

俗近還淳富室子弟循循雅飾崇樸素而去浮華遠詐僞而近禮義凡差役樂於趨事士大夫能以禮義自防婚嫁喪葬一從簡約擅科第登顯位者皆崇尚名節代不乏人

昌化縣志

古志曰民淳訟簡聲教漸被陳居仁儒學記曰僻在巖谷務本力田雖少讀書可驅而之善

錢中丞謙樓記曰恆事耕作樵採以衣食其力塲嬉于少鬪爭訟計

傳給事東坡亭記曰聲華文物日開日增

宋耐得翁古杭遊錄自大內和寧門外新路南北寶玉珍異及花果時新海鮮野味奇器天下所無者悉集于此以至朝天門清河坊中瓦

洋壩頭官巷口相心衆安橋食物店鋪人烟浩穰其夜市除大內前後諸處亦然惟中瓦前最勝撲賣奇巧器皿百色物件與日間無異其餘坊巷市井買賣推闡酒樓歌館直至四鼓後方

靜而五鼓朝馬將動其有趁賣早市者復起開張無論四時皆然如遇元宵尤盛排門私貨民居作肆觀玩餘次不可勝紀

市肆謂之行者因官科索而得此名以其物小大但合充用者皆爲行雖醫卜亦有職業冠

方輿彙編職方典第九百四十六卷杭州府部

擇之差占則與市肆當行固也內亦有不當行而借名之者如酒行食飯行是也又有名爲園者如城南之花園泥路之青果園江下之養魚園後市街之柑園是也其他工技之人或爲作如名篋刀作履帶作金銀鍍作銀作是也

酒肆店宅子酒店花園酒店直賣店散酒店庵羅酒店除官庫子脚店之外其餘皆謂之狗戶有茶飯包子店所云庵酒店者謂娼妓內可以就觀而于酒間暗藏臥牀也門前懸紅子燈上不以暗雨必用簷簾蓋之爲記認其他大酒店娼妓只伴坐客而已欲買歡則多往其居

大茶坊張掛名人書畫在京師只熟食店掛畫所以消遣久時也今茶坊皆然人情茶坊本作大茶坊爲正但將此爲由多下茶錢也又有一等專是娼妓父兄打聚處又有一等專是諸行借工買伎人會聚打老處謂之市頭水茶坊乃娼家聊設桌凳以茶爲由後生輩甘于戲錢爾之乾茶錢官府世家置四司六局各有所業故筵席排當凡事整齊都下街市亦有之當時人戶每遇禮席以錢債之皆可辦也四司者帳設司庖廚司茶酒司盤盤司也六局者果子局蜜煎局菜蔬局油燭局香藥局排辦局也凡四司六局人祇應慣熟便皆賓主一半力今時雖無此名而禮筵率有包辦咄咄而集他如珠冠禮衣方巾花扇綵轎金擔帷幕吉凶器具皆有置貸者倉行都之遺風也

凡者野人戶易飲之惠也散樂傳樂坊十三部

唯以雜劇爲正色舊教坊有咸用樂部大鼓部杖鼓部拍板色笛色琵琶色箏色方響色笙色舞地色歌板色雜劇色參軍色有邑長部有部頭上有教坊使副鈐轄都掌儀範者皆是命官紹興十一年省廢教坊之後遇大宴則差撥臨安府衙前樂等人充應屬修內司教樂所掌雜官劇中未泥爲長每四人或五人爲一場先做尋常熟事一段名曰盤段次做正雜劇通名爲兩投未泥色主張引戲色分付副淨色發喬副末色打諢又或添一人妝孤老其次曲破紛送者謂之把也

諸官調本京師孔三傳撰傳奇畫怪人曲說唱細樂以簫管笙篳方響笙笛用小提鼓之類合動小樂器只一二人合動清樂北馬後樂加方響笙笛用小提鼓

唱叫小唱執板唱慢曲曲破大率車起輕殺嘯唱兩上鼓面唱曲小謳驅鴛鴦聲從弄宮調與叫果子唱要曲兒爲一體叫聲自京師起撰鄉國市井諸色歌吟賣物之聲採合宮調而成也噀在京只有纏合纏連中興後張五牛大夫遂撰爲賺賺者誤賺之意也

雜扮或分雜班義名丑元子又名拔和乃雜劇之散役在京師時村人罕得入城遂撰此端百戲相撲踢弄雜手弄懸絲傀儡影戲說話有四家一曰小說謂之銀字兒如姻粉量怪傳奇公說案皆是博拳提刀起棒及發願應熊之事說鐵騎兒謂士馬金鼓之事說經兩演

說佛書說祭謂祭禪說史謂說前代典廢戰爭之事合生與起令隨令相似

商謎舊用故板吹員市朝聚人猜詩謎字謎之類本是隱語有追述來客念引語說謎又名打謎正猜來客索語下奪商者以物類相似者藏之又名對智貼拿貼智思云智改物類以困猜者橫下計旁人猜門困商者爲喝問句頭調爽假作難猜以定其智

都城天街舊自清河坊南則呼瓦北謂之界北中瓦謂之語化兒中心自五間樓北至官巷南到都衙兩行多是土戶金銀錢鈔交易鋪僅百餘家內刻金銀見銀謂看壕錢自融和坊北至市坊謂之珠子市頭如遇買賣動以萬數間有富第府富室寶庫十餘數皆不以萬貫收買其他如名家絲帛鋪堆上細疋段錦綺縐素皆諸處所無者

委巷叢談外方人嘲杭人則曰杭州風蓋杭俗浮誕輕譽而苟毀道聽塗說無復裁量如某所有異物某家有怪事某人有醜行一人倡之百人和之身其疑疑若目觀之風焉起無頭而過無影不可蹤跡故諺云杭州風會撮空好和友立一宗又云杭州風一把蔥花簇簇裏頭空又其俗喜作僞以還利目前不顧身後如酒樓衣錦塞沙爲羊吹氣魚肉貫水纖作刷油粉自宋時已然載於癸辛雜識者可考也杭人以冬夏二至後數九以紀寒暑云冬至後一九二九招喚不出手三九二十七簾頭吹曉

粟四九三十六夜眠如露宿五九四十五太陽開門戶六九五十四貧兒爭意氣七九六十三布衲兩頭擔八九七十二貓狗尋陰地九九八十一犁把一齊出夏主後一九二九扇子不離手三九二十七冰水甜如蜜四九三十六拭汗如出浴五九四十五頭戴秋葉舞六九五十四乘涼入佛寺七九六十三牀頭尋被單八九七十二思量蓋夾被九八十一家家打炭壑

輟耕錄言杭州人好爲隱語以欺外方如物不堅緻曰慙大暗揆易物曰調包兒竊竊人曰杓子樸實曰長頭白懶隨言杭俗流傳語年甲則曰年未語居止則曰只在前面語家口則曰一差牙齒語什祿則曰小差遣此皆宋時事耳今三百六十行各有市語不相通用會粹錄之竟不知爲何等語也有曰四平市語者以一爲憶多嬌二爲耳邊風三爲散秋香四爲思鄉馬五爲誤佳期六爲柳搖金七爲砌花臺八爲霸陵橋九爲救情郎十爲舍利子小爲消梨花大爲采采雲老爲落梅風諱低物爲輒以其足下物也復諱輒爲撒金錢則又義意全無徒以惑亂觀聽耳宋時臨安四方輻輳浩穰之區游手游食姦惡繁盛有所謂美人局以倡優姬妾引誘少年有櫃坊局以博戲關撲騙財物有水功德局以打點求寬脫騙財貨有以偽易真者至以紙爲衣以銅鉛爲銀以土木爲香藥變換如神謂之白日鬼有剪脫衣服環佩行包者謂之見貼兒其他穿窬賍售各有稱首至如頑徒欄

街處九條龍之類尤為市井之害今之風俗大抵仍之而插就稍異曰手騙人謂之打清水網夾剪衫袖以拘財物謂之剪綳撒潑無賴者謂之破落戶

杭人言事可曰耐可音如能可漢書揚越之人耐署註與能同李太白詩耐可乘明月又耐可乘流直上天皆讀如能音人曾大不堪夷逞獨見以忤人者曰莫莫音如劉掣漢書莫莫而無志節言人遇不省事者曰儂儂萬詩五方造我語知我非儂儂亦曰慙慙音實兒多慙慙得寵憐言人猶豫不前猛者曰壓尿音如迷癡癡藉不躁暴者曰眠眠音如細奈出列子又皮曰休反招魂上眠眠而下墨尿言人進退不果曰怡怡音如熾賦司馬相如賦化以怡擬椰子厚夢歸賦紛若倚而怡擬分言事煩煩不易作者曰鄭重法王莽傳非皇天所以鄭重符命之意言人無用者曰不中用史記始皇聞盧生竊議亡去怒曰吾將收天下書不中用者盡去之罵人曰老狗漢武故事上嘗詔栗姬怒弗應又罵上為老狗言紛紜不靖曰海紅花蓋海紅花乃山茶之小者開時最繁開故借以為喻言人桀猾不循理者曰雜種晉書前燕載記曰日蓋茲雜種棄世彌昌見人有不當意者曰嘴鼻金史宋破金泗州守將畢資倫不肯降繫獄十四年及肝胎守將納合買住降北望哭拜謂之辭故主資倫見買住罵曰國家未嘗負汝何所求死不可乃作如此嘴鼻也言人聆言不省曰耳邊

風作事助力曰阿瘡瘡武后時南皮縣丞郭勝靜每巡鄉喚民婦託以衣縫補而發之其夫至縛勝靜鞭數十主簿李憐往救解之勝靜羞諱其事但忍痛不禁低聲唱云勝靜不被打阿瘡瘡瘡寒而饑粟卒起曰瘡瘡韓退之闕獨詩瘡毛各瘡瘡日光微暖曰溫暖王建宮詞新晴草色暖溫暖曰樂天詩池水暖溫暖言已是如此曰隔是元微之詩隔是身如夢顛來不為名問何人曰阿誰詎為兀誰劉先主破成都置酒為樂龐統諫曰伐人之國而樂之非仁也先主怒曰武王勝商前歌後舞既而悔曰向者之論阿誰為失統曰君臣皆失言人有病曰不快華佗傳體有不快起作一禽之戲又曰不耐煩庾炳之傳為人強急而不耐煩俚語又言要不得蓋人有病則嗜慾不遂要喫喫不得要行行不得意義雖粗亦有可解遷居而鄰友治具過飲曰暖屋亦曰暖房王建宮詞太儀前日暖房來言不潔曰塵精霍去病塵畢蘭下注云盡死殺人為塵精蓋血汚很籍之意也亦人傭工曰客作三國志焦光儀則為人客作飽食而已賤丈夫曰漢子北齊書何物漢子與官不就女子及并日上頭而媚女初薦寢於人亦曰上頭花蕊夫人宮詞新賜雲鬟使上頭呼女子之賤者曰丫頭劉賓客詩花面丫頭十二草木樨而初夢者曰始花音如試月令桃始華蟬始鳴皆去聲言戲擾不已曰囑音如衷橘叔夜書囑之不已謂善能管生者曰經紀唐滕王蔣王皆好聚

做太宗嘗賜諸王帛敕曰滕叔將兄自能經紀不須賜物鄙人之庸賤微薄者曰小家子霍禹傳任宣謂霍禹曰使樂成小家子得幸大將軍言日間小食曰點心唐史鄭倓夫人云我未及餐爾便可點心言人作事無據者曰沒離當又曰沒把鼻蘇長公詩云有甚意頭求富貴沒些把鼻使奸邪言人不通時宜者曰方頭陸魯望詩頭方不會王門事塵土空縹緲白紵衣事相邂逅曰豆湊蓋關漢卿之說也或言吳越風俗除日互擊炒豆交納之且餐且祈曰湊投殆此語所從出歟事多衰貶曰包彈蓋宋人以包孝肅多所彈劾故云包彈畏憚之詞也言人虛偽不檢者曰樓頭蓋宋時何家樓下多亡賴以濫惡物欺人其時有何樓之號樓頭者蓋何樓之惡魁也言人舉止倉皇者曰騰騰馬鹿蓋四物善駭見人則跳趨自竄故以為喻又曰鼠張貓勢亦此意也言人儀矩可喜者曰肅肅音如波峭本梁上小杜名取其有曲折俊俏之意也杭州有以二字反切一字以成聲者如以秀為御溜以團為突樂以精為卿令以俏為卿跳以孔為窟籠以盤為勃蘭以鐸為突落以菓為窟陀以圈為窟樂以蒲為鶻盧有以雙聲而包一字易為隱語以欺人者如以好為現薩以醜為懷五以罵為雜嗽以笑為喜黎以肉為直線以魚為河戲以茶為汕老以酒為海老以沒有為埋夢以莫言為種調又有諱本語而巧為俏語者如詬人嘲我曰溜牙有諱未成曰掃典則皆

出自宋時藥園市語

欽定古今圖書集成方輿彙編職方典

第九百四十七卷目錄

杭州府部彙考十三

杭州府祠廟考一



職方典第九百四十七卷

杭州府部彙考十三

杭州府祠廟考一

本府 錢謙和 第二 附錄

府志

社稷壇 在府城錢塘門外西北宋太乙宮故址祀司社司稷之神南渡初置壇嘉會門外後徙城西昭慶寺側咸淳四年築而新之元初廢更立別址後又徙城西南郊錢湖門外明洪武二年建於今處壇制綴以周垣門由西北入垣西爲神庫庫房東爲齋宿所南爲門無壇以府壇爲壇牲品仁和管辦二縣一體行禮風雲雷雨山川壇 在府城鳳山門外西南包家山壇制綴以周垣門由南入垣東北爲牲房神庫西南爲神亭東南爲齋宿所東爲門地屬錢塘界牲品錢塘管辦二縣一體隨班行禮厲壇 在府城錢塘門外龜山坊內始於明洪武三年詔天下郡邑鄉隅各設厲壇祀無祀鬼神一年三祭其祭品清明暨十月朔仁和管辦

七月十五日錢塘管辦壇制綴以周垣前爲拜亭南爲宰牲所東南爲廳東爲門鄉屬壇共三百三十所今不可考者多矣故不細載七縣同里社 鄉村每里一百戶內祀五土五穀之神專爲祈禱雨暘時若五穀豐登每歲一戶輪當會首春秋二社祭以一羊一豕酒果脂用祭畢令一人讀拾強扶弱之誓

城隍廟 在府城內寶月山宋以前在鳳凰山紹興九年從今處元明因之宣德間清軍御史吳訥撤毀殿夫人子孫像成化十年廢殿火十一年左布政使憲良重建弘治十六年鎮守太監麥秀巡按御史夏景和重建廟宇神爲浙江按察使周新公名曰新文帝書獨呼新遂爲名廟制中爲神宇左右爲兩廡前爲儀門又前廟門神宇之後爲寢殿東西爲齋宿所

旗纛廟 在府城太平里普濟橋東明洪武二年建於杭州衛都指揮使司之後八年浙江都指揮使徐司馬徙今處廟制中爲神宇前爲櫺星門外爲大門去宇東數十步爲牲房廡又東之南爲齋亭宇西爲大藥庫櫺星門之外東西皆齋宿所

忠清廟 俗名伍公廟在吳山之椒吳人憐行人伍員之忠爲立祠宋賜額忠清大中祥符五年海潮衝擊州城詔本州歲春秋祭康定九年守蔣堂重建

靈衛廟 在府城錢塘門外慶忌塔山後祀宋錢塘令朱鐸尉曹將金勝祝威皆建炎時死元

木難者也鄉人立祠勝威所署曰金祝二太尉廟淳熙二年始賜廟額曰靈衛景定咸淳中先後賜封號朱曰顯忠侯金曰忠佐侯祝曰忠佑侯按錢塘縣志碑安吉人宋建炎三年爲錢塘令金人由西溪度天竺而進踴同勝威率義兵戰死按小滴水橋亦有靈衛廟專祀朱也

忠烈廟 在府城西湖北樓覆巖之陽祀宋少保鄂國武穆王岳飛飛死後孝宗爲雪其冤改葬於此復官賜諡即磨督果院爲祠賜額曰褒忠衍福寺寶慶二年改諡忠武嘉定四年封鄂王宋亡寺廢王之六世孫士迪起之未幾復廢至元間僧可觀訴於官復之杭州經歷李全慨然重興廟有王像以其子雲雷襄憲府焉後作寢堂像王及夫人與其女至正中加號保義廟尋毀明洪武四年正祀典即寺址復建祭以歲十二月二十九日王忌辰也景泰間杭州府同知馬偉修飭祠墓請於朝賜春秋祀及今廟額後漸傾圯至

皇清康熙二十一年三韓羅文瑜感異夢誓爲修復後文瑜爲兩淮都轉運使捐金重建

忠佑廟 在府城泉署門內左偏宋紹興三十一年以岳武穆王故宅爲太學立上神祠祀王王卒時有女尚幼痛父冤抱銀瓶赴井死元至正中附於祠俗呼銀瓶娘子廟并在廟東北明正德十四年按察使梁材築亭覆之榜曰孝娥井提學劉瑞有銘春秋憲臣致祭

顯忠廟 在府城長生橋西宋紹興初建祀漢

方輿彙編職方典第九百四十七卷杭州府部

博陸侯霍光初廟在秀州宣和間賜額紹興始
建於杭禱祠應若影響嘉泰紹定間兩有反風
滅火之異元統初火延青湖岸焦土者萬有
餘區焚死者不可數計神復顯靈如嘉紹時廟
貌如故民廬有賴於是士民拜廟以答明觀
崇善廟 在府城北阜亭山祀晉杭州刺史陳
項項會稽人仕東晉嘗使北虜三年仗節不
屈拔劍斫臂後復命歷青揚荆廣四州刺史食
邑錢塘海鹽鹽官三縣卒葬阜亭山因廟焉梁
大同二年封典善又改封崇善紹興中賜額靈
惠寶祐六年以神見空中輾退北寇遂列王爵
又北良一圖淳祐橋西亦有崇善廟祀陳項
顯祐廟 在府城舊百萬倉西祀隋司徒陳果
仁果仁晉陵人仕隋至司徒沈法真謀叛忌其
威名召食毒死之忠憤赫弈竟以神矢斃法真
唐武德初嘉其功封忠烈公後梁封福順武德
王後周加帝號宋咸淳四年安撫潘說友以禱
雪祠下有應乃崇新之
東平忠靖王廟 在府城秀義坊為唐睦陽判
史張巡祠宋建炎二年建明洪武三十年修葺
布政使王健為記嘉靖十五年重修萬曆二年
南京刑部員外郎海寧沈友儒書事實序於廟
壁巡子亞夫以巡死國拜金吾大將軍巡守唯
陽時善出奇敗賊因名千勝將軍宋時祀汴
都巡廟南渡後杭人別祠新安坊橋元統間火
明洪武間重建
嘉澤廟 在府城安樂橋東香餅園巷祀唐杭

州刺史李泌初民德泌立祠祀之宋嘉定中賜
額咸淳中潛安撫說友拓地重建又祠在西壁
坊名李鄴侯祠一在湧金門城下俗呼西井寺
亦祀唐李鄴侯泌
廣衛廟 在府城錢塘門外霍山祀唐僕射張
渤按宋朝會要渤初祀廣德軍之祠山宋康定
元年封靈濟王崇寧三年賜額額宜和二年封
忠祐紹興間兩加昭烈正順杭屢以兵早昭谷
未有安靈之地乾道五年始建祠今處景定二
年洪安撫潘咸淳四年潘安撫說友前後修葺
潮王廟 在府城芳林鄉又名石姥祠祀唐石
瑰瑰生而靈異嘗築堤以捍海潮功未就竟死
於海咸通中官為立廟封潮王宋宣和間睦寇
犯順韓世忠帥兵禦敵見空中旗幟書石姥潮
王號因奮勇大破之嘉熙間潮水潰堤漂沒民
居人力莫能禦京尹趙興慈躬騎祠下潮復故
道事聞於朝加封顯德忠惠王
金華將軍廟 在府城湧金門內祀將軍曹果
果真定人仕吳越為金華令平叛兵有功權守
婺後錢氏入朝委以國事果即城隅浚水池曰
湧金既沒民德之立祠池上咸淳初安撫李市
廓而大之以湧金池三大字刻石列於廟右
嘉澤廟 在府城錢塘門外其神稱錢塘龍君
吳越時表封廣濟龍王累封為重淵清濟侯宋
乾道五年安撫周淙以錢塘應重建寶祐間安
撫馬光祖更創咸淳五年安撫潘說友又葺而
新之按嘉澤廟有三祀李泌一祀錢塘龍君

昭節廟 在府城保安坊相傳後周時有喬元
陸軌者仕為殿侍東第三班宋太祖受禪二人
守宣祐門拒弗納既乃自他門入二人死之太
祖以為忠繼本班廟祀南渡後立廟吳山民居
火顯靈空中火湓息民賴以安寶祐三年賜額
景定中凡三封侯爵
昭顯廟 在府城渾水閘南祀兵部尚書張夏
夏嘗以司封郎中為兩浙轉運使築堤捍江杭
人德之立祠堤上俗稱張司封廟慶曆二年贈
太常少卿大觀二年封寧江侯改封安濟公明
成化間工部侍郎李頤來治潮患禱神而應即
舊址重建
協順廟 在府城石塚祀宋陸圭圭昭慶軍人
宣和中以兵馬都監引兵進攻方臘敗死為神
紹興間陰却海濤以衛江岸淳祐中潮圯岸屢
築屢不就神與三女浮石江面以成浙西帥臣
徐果國於朝賜廟額封廣靈侯并封其女
廣福廟 在府城鹽橋上祀宋蔣崇仁崇仁世
居興德坊善施賑每秋成貯穀貴時以原價售
之且妻饒者自量囑弟力行好事里人德而祀
之咸淳初賜額廣福六年安撫潘說友於朝封之兄
弟皆列侯廟食曰平順曰平惠曰平祐廟在鹽
司屢嚴屢葺茲蓋蔣氏苗裔私祀於村者
顯功廟 在府城寶石山西祀宋布衣岳希範
錢塘霍山人建炎三年冬完顏宗弼由獨松關
犯杭州守臣遁於精舍乃募勇士三百人推錢
塘令朱鼎為謀主金祝二尉為先鋒誘敵由西

溪並天竺東來壘葛嶺編竹覆泥以陷之敵乃從南壁寇城西竭力戰死焉郡人請於朝立祠祀之

重惠廟 在府城孝女北管下墟祀宋謝達謝

緒達字明遠晉太傅安次子之裔也徽宗時

提舉淮浙運使京隱於石門嶺舊歌遺詩云

踏險築幽居披雲臥石門乃終身焉沒後屢著

靈異庇廕一方鄉人立祠祀之咸淳中勒封廣

德侯建廟本里賜額重惠歲以三月社會緒達

之孫也元末預焚於鄉人曰吾欲恨九鬼百餘

年今幸有主越數日黃河北徙其驗也汝輩當

歸新主明年春呂梁之戰吾其助之丙午春黃

河北徙九月明太祖取杭州丁未二月傳有德

與賊大戰呂梁見金甲神人空中躍馬橫槊擒

賊衆大潰成祖議海道不便復修漕運凡河流

於壅力能開之舟將覆溺力能拯之神之顯著

于黃河特甚嘉靖中奉勅建廟魚臺縣隆慶中

遣兵部侍郎萬恭致祭封金龍四大王

通靈廟 在府城越山俗名黑龍王廟宋嘉定

間趙忠惠爲宰禱雨屢應乃請賜額封通靈惠

應宜濟昭惠侯

廣靈廟 在府城石塘壩宋景定四年潮壞江

堤里人立東嶽溫太尉廟請於朝賜額咸淳五

年封正佑侯餘自李將軍以下九人皆賜侯爵

李曰平佑錢曰重佑劉曰顯佑楊曰顯佑康曰

安佑張曰廣佑岳曰協佑孟曰昭佑章曰咸佑

晏公廟 在府城武林門北夾城巷內祀元晏

成仔成仔江西清江鎮人元初輸文錦於上都因而尸解人以爲神立祠祀之後爲崇果寺伽藍元末兵燹後顯靈江湖間明洪武初封平浪侯四年沈原草創祠舍有像二十三年浙江都指揮僉事以督漕獲庇乃捐俸建爲今祠

履泰將軍廟 在府城西湖金沙灘祀吳越時

孫顯忠始建年月莫考明萬曆癸未夏旱郡守

張振之率僚屬士民備禱不雨一夕將軍降乩

示以禱雨所當且爲之助明日遂雨三日廟故

陰將傾圯矣是年秋即拓地新之申著爲令歲

夏秋仲月令邑丞以下致祭

連忠廟 在府城豐樂橋東俗名三聖廟又爲

旌忠觀祀宋高永能景思政程博古始廟食於

鳳翔府南渡駐蹕遷於杭在清冷橋北隆興初

取其地營建德壽宮乃撤費苑寺以祠嘉泰元

年燬於火主督陳元直倡復益以內帑及諸巨

室所助規模更侈尙書黃由爲記元初復燬明

宣德四年重建易宋觀名仍爲母苑寺奉三神

爲伽藍嘉靖二十三年巡按御史高節知府陳

一貫撤釋像移置正宇觀仍舊額每歲十月初

三致祭三十二年知府孫孟開宇尙像新其門

廡

施公廟 在府城伍公廟前神即宋殿司小校

施公全也憤秦檜奸邪誤國懷刀刺之不遂被

執槍斃之罵曰汝豈病心耶全曰丞相病心爾

國人皆欲殺賊汝獨議和非病心而何檜怒磔

於市邦人憐而立祠

梓潼廟 即文昌祠也在府城吳山燬於火巡撫邵院金鉉倡募重建按文昌祠偏四境與關壯繆等故自仁錢以及他縣皆不載以不可偏載也按縣志宋尉吳張之叛定蜀蜀人牟子才立帝君祠自牟子才始也

惠應廟 在府城吳山至德觀右宋東京土神

南渡移像至杭民祠禱之

火德星君廟 宋南渡後建於府城吳山以奉

焚惑明洪武中方伯黃純未業中參政易景重

建今

皇清康熙四年道士孫應元重整神像二十五年燬

巡撫邵院金鉉倡募重建

忠勇廟 在府城九里松宋統制張紀解海州

剛立廟祀之

靈隱廟 在府城飲馬橋神姓蔣諱通生平性

直好善事親孝宋紹興十一年七月端坐而逝

次年疫作是境無恙有父老夜夢神衣紫橫金

曰某將通上帝命我護境今疫不侵吾之力也

於是奉而祀之境有虎疏禱於神遂擒二虎時

旱境內獨有雨民賴之事聞於朝賜額

關王廟 一在府城清波門重城內一在候潮

門重城內一在城北隅一圖一在跨虹橋北一

在佑聖觀內一在靈隱觀側一移在雲居庵前

白馬廟 在府城警如坊壽域巷左舊志名護

國天王堂世傳泥馬渡康王見宜和遷事今鄉

人奉爲土穀神

水神廟 在府城寶月山祀水德神其上爲龍

神祠明萬曆間郡民姚世明募建歷歲患廟中有金龍泉

華光廟 在府城布政司東祀華光神元延祐間封號按縣志在華光巷西新橋即與教寺

皇清順治八年僧若墨重建

小城隍廟 在府城保安坊里人奉爲土教神

馬勝廟 在府城溜水橋世傳馬姓二人東西

居共爲田園之勝故名元羽士張伯雨寄寓

此明萬曆三十六年重建

屠墟廟 祀漢劉璋在府城古蕩相傳有神降

於巫問里人曰今廟何人也里人跪曰不知父

老祠之久矣神曰不知而祠之無乃虛父老之

惠乎且爲神主此爲地方福垂數百年而不知

姓名可乎因書曰吾漢劉璋也於是香火益盛

東安濟廟 在府城馬坡街祠末司封郎中張

夏俗名祖廟又名太平院

北勝廟 在府城祠末北勝將軍里人沈氏施

宅拓之

三義廟 在府城湧金門外

古東嶽廟 宋咸淳中建相傳規制弘敞香火

最靈舊蹟在中台之中明萬曆間家宰張恭懿

公論葬與之相鄰遂徙建於此

皇清初順治康熙九年仁和章念修錢地倪咸亨重

建

汪土廟 在府城吳山大觀臺之麓唐節度使

名宦祠也王諱華唐高祖時以保障有功得封

越國稱王使持節宣杭睦睦六州諸軍事

明洪武間封廣濟惠王

興漢帝君廟 在府城舊墟圩神即西楚霸王

項羽也而曰興漢何也或曰當楚漢爭雄之時

使非羽殘忍以致人心怨怒則漢不與由後

論之羽爲漢驅除雖謂之興漢可也

二郎神廟 在府城忠清里神姓鄧諱遐字應

遠陳郡人也自幼勇力絕人氣蓋當時人方之

樊噲桓溫以爲參軍數從征伐歷冠軍將軍數

郡太守號爲名將襄陽城北水中有蛟數出害

人遐拔劍入水蛟遂其足遐揮劍截蛟數斷而

出自是患息鄉人德之爲立祠祀之以其嘗爲

二郎將故尊爲二郎神

白澤大王廟 在府城統禮坊末真宗景德年

間遼兵入寇寇率倡議請帝親征時六師所食

仰給海運運道中尉梁元帥專督漕運行至海

中適有猛獸號白澤者出沒海中洪濤陡作運

船幾覆忽見空中一人乘龍馬揮鞭驅逐白澤

趨服洪濤頓息糧運以全因是祠祀之遂後奏

請勒封土神

皇清康熙間里人顧鳳文重修

廉相公廟 在府城長山門南神姓廉諱三子

子仲東海人事昭烈爲安漢將軍

諸葛明王廟 在府城宮園路神乃蜀之兩陽

令未考何人及何時創祀

顯濟聖妃廟 在府城長山門外神本莆田林

都檢女自幼不室數著靈異死後祠於莆之聖

堆江口白湖末宣和五年賜順濟廟額又有別

祠在候潮門外蕭公橋他如閩廣浙江淮句凡

瀕海之地往往廟焉

惠順侯廟 在府城江塘末嘉定五年二月江

潮衝嚙石塘神清建廟以禱咸淳二年勅賜忠

順廟額四年九月壽和聖福皇太后重建廟址

陷於海遂廢

順濟龍王廟 在府城湯村鎮末政和五年郡

守李偁以湯村嚴門白石等處江湖侵蝕奏請

同兩浙運使劉既濟措置置石砌岸因建廟累

封靈應昭應嘉應三王廟址陷於海遂廢

申將軍廟 在府城臨平斗門橋北三十步今

廟有殘碑宋季人撰謂爲申包胥鄉人於此祈

禱多應

楊和大王廟 在府城方輿神姓楊字沂中末

人紹興間賜名存中宇正甫代州崞縣人宣和

時山東河北盜起存中應募累戰功至中朔

郎天委忠孝勇敢大小二百餘戰身被五十餘

鎗屢立功尋將敬服宿衛出入四十年最募

過高宗禮遇殊隆孝宗以爲舊臣尤禮遇常呼

爲郡王而不名祖宗間父震及母皆死難存中

既顯請於朝宗閣諡忠介褒諡忠毅賜廟曰顯

忠日報忠又以家廟祭器爲請遂許於五世前

之所無也嘗營居鳳山十年而就極山川之勝

後獻於朝更築室焉又葺園亭於湖山間高宗

爲書水月二字由是觀之廟之在方輿者必爲

別墅私祠後遂封以爲土神云

周將軍廟 在府城臨平鎮末武元年侯裔

孫卓十居臨平即其地祠侯宋建炎中金人犯杭居人為構壞廟以守仰祝旌旗蔽空書曰漢絳侯周勃皆羅拜而去自是靈異著聞有禱必應

白龍王廟 在府城臨平東山下有龍祠在洞側

資福廟 神姓張名憲宋岳武穆王之女塔也以號勇聞從王征伐屢著奇績並為奸相秦檜所忌與王同日遇害其墓在棲霞嶺之西景定二年追封為烈文侯浙人思之乃為建廟於江干之忠壯鄉蓋其地亦以侯得名也

昭忠祠 在府城仁和縣忠清里祀唐右僕射褚遂良里為遂良故居舊有祠鄉人歲祀之明成化十三年郡人周景請於朝詔有司新其廟宇入祀典廣西右參政朱鏞為記忠清里有通聖廟即宋瓊花園也神為遂良九世孫諱載性行端潔學問淵博先家廣陵傳綬綬錦法歸寓故里業益精迄今里人善織綉錦自神始也歿後屢著靈異里人忽見神曰余承上帝命以忠臣後裔平生正直命廟食瓊花園由是為立祠題曰通聖云

忠節祠 在府城筆架山方家峪祀宋贈秘閣修撰諡忠節徐應鑣明弘治十八年賜祭文祠額正德十一年知府梁材始建祠自為記萬曆四年知縣姜召訓導黃金聚以祠宇傾圮請於左布政使王恩顯右布政使張任撤廢祠邑人傳樞舍地四畝展舊基之前改建武英殿大學

士餘姚呂本為記

褒忠祠 在府城錢塘學宮之東改清軍公館為之祀明建文時死事諸臣翰林院修撰王叔英文學博士方孝孺江西副使程本立副都御史陳性善太常寺少卿盧原質左拾遺戴德彝都給事中龔泰戶部侍郎卓敬遠通谷府長史劉璟蕭縣知縣鄭恕東平州吏目鄭華監察御史鄭公智陝西僉事林嘉猷萬曆二年巡按御史蕭廉奉詔請建武英殿大學士餘姚呂本為記

旌功祠 在府城三台山祀明少保兵部尚書贈太傅諡肅愍于謙弘治三年訓導備衍禮科給事中孫儒謙子府尹冕先後陳請命下建祠墓所賜額汀州府知府海鹽張寧為記嘉靖十六年巡按御史周汝昌屬錢塘知縣李念新之嗣是而巡按御史傅鳳翔閣部王紳巡鹽御史高對相繼協修提學副使南昌張黎為記按錢塘縣志于公歿未幾里人言公靈爽如在有求公示禍福得失者臥公祠下輒得異夢鏡未來事如響之應聲於是祠下多搗酒醴以祈夢四方之士亦多至者

忠烈祠 在府城棲霞嶺之東故中官劉瑾舊祠址也明祀杭州前衛指揮使陳善道吳憲宜冠帶總旗張備海軍衛指揮使滿朝采陳馬呈圖千戶王繼隆百戶康校楊臣王相姚岑呂鳳姜梅海門衛立功指揮使俞亨昌國衛百戶陳爵陳泰三江巡檢張景銀場巡檢喬仲厚平湖

縣典史喬登皆以倭寇之變竭力捍禦陣亡於海寧衛緒山長沙灣等處地方嘉靖三十二年巡按御史趙炳然請於朝天子愍之特初建祠祀以春秋二祭

褒忠祠 在府城棲霞嶺之東改鳳林寺舊址為之祀明左擊將軍宗禮都指揮使邵昇指揮僉事姚弘贈指揮僉事于岳皆以倭變力禦陣亡拓林三里橋等處地方嘉靖三十七年總督都御史胡宗憲請於朝廷祠春秋致祭

忠節祠 在府城寶月山下東衛祀吳行人伍員唐僕射褚遂良宋少保岳飛明太傅于謙初明弘治十年巡鹽御史姚壽建忠節坊於今祠右提學僉事上蔡李選學為記歲久記石亭圯址為有力者佔據嘉靖十六年岳氏于氏洎諸生翁相張乾元等白巡按御史周汝昌復其地撤淫祠材建今祠十七年巡按御史傅鳳翔飭有司歲祀以仲秋之望邑人吳鼎為記隆慶元年巡按御史王得春改祀於報功祠萬曆三年巡按御史吳從憲仍復故祠以祀

兩浙名賢祠 在府城西湖孤山之陽祀漢嚴光唐陸贄宋林通趙抃王十朋呂祖謙張九成楊簡明宋濂王琦章懋遷諸浙產也隆慶六年巡按御史謝廷傑即陸宜公舊祠改祠而徙宜公像於祠前之恩綸閣額其門曰西湖書院四賢祠 在孤山之陽祀唐李泌白居易宋林通蘇軾初祀白文公於竹閣後增林蘇二公因名三賢堂紹興間廢府尹周涼徙寄水仙王廟

應後尹袁詔徙建廢花塢元康訪使徐琰祀於西湖書院明天順間知府胡洛復建今處成化十年大加修飾正德元年知府楊孟瑛祀李鄴侯再易今祠祀以春秋

張烈文侯祠 在府城東山街口張憲墓所以祀憲也憲以景定二年封侯爵明正德十五年鎮巡藩臬諸司始建祠以祀

胡忠祠 在府城忠烈祠神宇之西祀宋施全劉允升全宋殿司小校也憤槍手刺之不遂磔於市允升建州布衣也聞岳武穆被逮詣闕上書訟其冤槍大怒下棘寺論死邦人因並祀之每祭武穆王畢致祭

忠節祠 在府城今按察司署內左偏祀明浙江廣政按察司王良正德十三年按察使梁材以舊水監亭改建

同仁祠 在府城武林坊祀明巡撫江南都御史諡忠烈姚孫燧兵部尚書諡端敏前江西按察副使仁和胡世寧新建伯巡撫江西都御史諡文成徐姚王守仁歲以六月十四日祭

楊清祠 在府城忠清里改疑真觀爲之祀明四川按察僉事王琦刑部郎中項麒皆里人也正德十六年巡按御史唐鳳儀始附祀於清儀射祠改祠曰忠清焉靖二十年知府陳仕賢別建一祠陰陋不稱二十三年提學副使孔天尹知府陳一貫改祀今祠春秋致祭一貫爲記二十七年燬二十九年知府孫孟重建

報功祠 在府城忠慶巷內改百法寺廢址爲

之祀明總督尚書胡宗憲初嘉靖間士民始建於吳山之巔隆慶三年巡撫都御史谷中盛改建今處萬曆四年巡撫都御史謝鵬舉徐杖先後增修歲春秋致祭鵬舉爲記

旌德祠 在府城保安坊即旌德觀宋通問副使朱公祠 在府城九甲松公名升文公從祖宋紹興間使金見執爲文哭徽宗有嘆馬角之末生魂消雪窖攀龍鬚而莫逮淚灑冰天之句祀典久廢

皇清知府馬如龍詳復之歲給錢塘縣學租銀五兩致祭

忠烈二侯祠 在東木巷祀宋烈文侯張憲繼忠侯岳雲忠武穆王部將驍勇絕倫常統兵出戰屢立大功雲武穆王子自幼膂力過人常持鐵椎約重八十餘斤出入行陣所向風靡二將素爲金所畏後因秦檜與金連謀欲殺武穆以及雲憲遂以謀反陰害武穆於大理獄戮雲憲於衆安橋市曹二將常顯靈於斯地故里中建祠祀之至孝宗時武穆冤白贈爲鄂國武穆王憲爲烈文侯雲爲繼忠侯改額爲忠烈二侯祠

忠義祠 在府城忠慶巷口祀宋施全祠始建年月莫考後燬明成化十一年重建

龍王祠 在府城南山風篁嶺龍井之上宋寧宗封嘉應靈洞普惠顯應王今旱晴雨其處每有靈應

黃龍祠 在府城錢塘門外掃帚塢宋淳祐間建以禱雨有應封靈濟侯賜祠額曰護國龍祠

元至正末兵燬明洪武七年夏久旱監司郡守相率致禱祠下三日而雨是冬命通判王佐即舊址建祠題今額

嚴指揮祠 在府城最樂坊祀明嚴德德字君輔當塗采石人少驍勇善騎射年二十爲小校隨征平江浙有功陞指揮同知守禦杭州洪武元年統軍取台州力戰死追贈驍騎上將軍副大都督府事上護軍天水郡公

憐忠祠 在府城太平坊南新街發祥祠 在府城南屏山西麓祀明昌化伯卻林以誕生孝惠太皇太后也先是林平時櫛眉北山青芝塢嘉靖十八年林孫錦衣衛指揮輔請於朝詔守臣擇本地遺官營葬爲之建祠墓下給公祀田八頃賜金額

勳賢祠 舊名天真精舍在府城天龍寺之左祀明王文成守仁嘉靖九年門人薛侃等建萬曆初燬天下書院俱爲民業十二年都御史蕭廉奏復之賜額曰勳賢春秋致祭以徐愛黃元亨薛侃鄒守益歐陽德王良王臣劉魁錢德洪王畿蕭廉陳善配享祠前有宋籍田太極亭先是廉聘陳善主教修復祠宇塢置祀田纂刻祠志久之權歸學職漸至遺食祠亦傾圮萬曆中錢塘知縣華心湯重建太極亭補刻陽明全書清理租稅歸縣祭祀之外餘羨以供諸生講學之費未爲定規

陸宣公祠 在府城孤山之陽祀唐宣公陸贄按錢塘志本明中書舍人洪澄別墅疏泉斲石

衙木數十事於帶左右最為佳處後屬陸炳炳自開采出宜公創祠祀之規制弘敞冠冕一時炳事敗後入官以名賢得不廢後改名賢祠已而宜公後裔復之今專祀宜公

名賢祠 卽陸宜公祠也炳既敗以名賢不廢明隆慶間侍郎陳章謝廷保益以嚴光林道趙抃王十朋呂祖謙張九成楊簡宋濂王琦章懋陳運陶大臨並祀焉宜公非專祀矣後以宜公子孫修其仍曰陸公祠

淮安忠武王祠 在府城前洋街神爲元丞相伯顏方其統兵平宋能不殺侯宋國母幼君出降保全一城故死後祠之明翰林學士承旨劉敏中撰記

蕭都侯祠 在府城睦親坊新慶巷侯卽漢蕭侯

張宣公祠 在府城清波門外方家峪祀宋張宣公南軒先生杖南渡家杭勅立專祠向在錢塘下扇里明萬曆甲辰錢塘知縣蕭心湯准其後裔應遷告陳後建今處近萬松書院以便學者瞻仰歲久後嗣單寒幾將傾廢

皇清康熙甲戌裔孫仁和庠生嘉植道煜煜以祠祀祀廢曰於巡撫復春秋祭祀

朱文公祠 向在西湖錦塢山後奉巡按督學行令移建孤山之陽祀宋朱文公熹公爲浙東提學修學荒政蠲革病民諸事又治台州置書院申教修立社倉寬通貨奏獨丁絹輸藥院開開潘河渠修治塘岸其有功於浙最深孫鉉

方輿彙編職方典第九百四十七卷杭州府部

仕浙官運使因家焉宋末避兵海昌已而復居武林明嘉靖四十四年杭郡學生楊洲等援題准立祠致祭事例白於督學蔡榮謂朱子提舉浙東有遺澤子孫亦在茲土應得專祠奉祀遂建祠錦塢山題額紫陽書院督學蘇潛喬因阜先後錄裔以守春秋勤支仁和縣學租八兩道官備祭

皇清順治丁酉公裔孫以錦塢山峻歲久傾頽白於督撫陳應泰巡按王元鳳督學谷應泰移建今處

邵弘毅先生祠 明萬曆初建於玉泉山後徙靈鷲山

皇清康熙辛酉五世孫錫隆更建一祠於西湖並有像

龍王祠 在府城西湖壓堤橋之北明嘉靖十九年杭守陳仕賢因霖雨有應建三十年守孫孟重修歲久傾圮萬曆十四年守余良樞重建自爲記今圯乃移於孤山下望湖亭遺址

龐公祠 在府城鳳林寺右祀明御史龐尙鵬萬曆十二年建

阮公祠 在府城武林門外祀明都御史阮鄂扁額忠定隆慶六年建李春坊記

甘公祠 在府城芝松里虎林書院之陽祀明浙江巡撫甘仕焞以陳善敬亭配萬曆三十七年建

李公祠 在府城錢塘門外舊水閣明崇禎十年建祀明北樵李思敬號槐臺萬曆辛卯舉人

揚州興化人初令永豐有善政權北關清惠愛商不奉詔增稅第清漏厄而常謀設公餘輒屏騶從低徊兩峰六橋間及守括蒼罷採鑛嚴保甲建麗譙興文學所創皆不可朽歿之日杭括詆思不已具呈督學崇祀名宦并祀其子長倩字瞻麓崇禎甲戌進士由歸安知縣陞禮部儀制司主事至兵部尚書俱尙儉儉西湖南子貢使越祠 在府城柳洲亭左

皇清左布政使新鄉張縉彥建

宗聖曾子祠 在府城祀先賢曾子原籍山東兗州府嘉祥縣南武城其後裔會開因宋南遷扈蹕至杭遂家焉後裔立爲祠

二程夫子祠 祀先賢二程子相傳尚有二程夫子祠在郡城西河下歲久荒圯

皇清康熙十七年督學合肥程汝璣允其後裔之請改築吳山之陽制府李之芳中丞陳秉直咸建額顏其堂錢塘令梁允植申請載入邑乘與紫陽朱子一例歲支學租十兩供春秋祀事後因學租裁半其後裔復援武肅之例請於仁邑大祭項下節省銀五兩得符原定之數以光俎豆

杭守顧倫據錢令連所申請詳布政使石琳上達巡撫都御史王國安允行適其裔程汲任杭郡司馬躬爲主祭錢前學使汝璣文於石

劉公崇報祠 在府城肇如坊忠慶巷祀明巡撫劉敏隆慶間建

范公祠 在府城孤山卽四賢堂舊址祀

皇清南浙巡撫范承謨字觀公順治壬辰進士以學